

SARINE DOBINAJA KEDA RECIKLIRINAJA!

Svako puti keda mukheja jekh pakovanje ja dijekh novina ki reciklaža, tegani desinipe diso baro.

Andi purani kapsula šaj te čerel pe pljeko koljeja tani čerdi i karoserija ko vorda. O čučo kartoni ando praško šaj te ovel sar ko primer jekh nevo kartoni andi pica. I novina ando irati ovela novina tajsase. O otpad andi priroda palje koristini pe hem adžahar šparinaja but energija. Ko esavko način sarine pomožina te živina ko jekh pana pošukar sveto.

RECIKLAŽA

Ando habe kova ačhola čerela pe biogas hem biođubrivo, a sa aver so ačhola fordibase koristini pe strujače hem tačaribase. Sa o pakovanja hem o novine kola čhedena pe džana ki reciklaža te oven neve pakovanja hem neve buča. O plastična pakovanja ovena na primer kese akharibase, ja kante sortiribase. O pakovanja ando srče ja ando ljila ovena but putija paljem neve pakovanja. Ando metalna pakovanja šaj te čeren pe felge vordandže, a ando novine šaj te čerel pe ljila kosibase, ja šaj te čerel pe jekh nevi novina.

EKOLOŠKA SOBE HEM STANICE RECIKLIRIBASE

O otpad ando habe hem aver otpad, valjani te forden pe ko pravo than, sar ko primer ki ekološko soba ko to područje. Te nane tut šajipe te čere odova, šaj te dža ko jekh ando stanice recikliribase. Odothe isi tut posebna kutije svakone materijalese sar ko primer: plastikače, ljiljese, metalese ja srčenge, hem but putija isi hem novinendže. Bare pakovanja, koljendže nane than ki ekološko soba, šaj te ljegaren pe ki stanica recikliribase ja ki glavno centrala recikliribase.

POBUTER INFORMACIJE

Ko www.sopor.nu šaj te arakhe i najpaše stanica recikliribase hem te dikhe keda čučari pe hem čistini pe. Šaj hem te arakhe informacija sar sortirini pe, te dikhe filmija andi reciklaža hem te dobine savetija ando sortiribe.

Te isi tut disavo pučibe ando otpad hem andi reciklaža šaj te kontaktirine ti komuna. On šaj te den tut odgovor ko pučibe ando baro ja zoralo otpad, kompost, električno otpad hem avera vrste otpadija.

SORTIRIN POBUTER!

Te šaj so pobuter te reciklirina valjani amendže tiklji pomoć.

- Ma mešin razno otpad.
- Otpad ando habe valjani te čhivel pe ki kesa koja tani samo odoljese.
- Aver otpad valjani te čhivel pe ki jekh kesa hem te phandel pe šukar.
- O pakovanja valjani te oven skroz čuče hem kozom god šaj šuke. Te isi tut pakovanja ando razna materijalija sortirineja premalo materijali kova tano dominatno ko odova produkti.



✓ Voće hem povrće, o kесе ando čaj, o otpad andi kafa, i ljuska ando jaro, o kokala ando mas ja diso slično. Hari ljila kosibase šaj isto te račujina.

✗ Plastika, snus, cigare, luludža hem momolja nane otpad ando habe.



✓ Šišija, kutije, plastična kесе, pakovanje dopunibase, plastična cevija, kесе ando čips hem stiropor. Ikal o kapakija. Čučar ti kesa ki kutija kote džana samo o plastike, te oven odvime ando aver materijalija. Odova ka čerel ti buti po loki keda reciklirineja.

✗ Plastična buča kola nane tane pakovanje račujinena pe sar zoralo otpad ja sar otpad ando čher, sar ko primer nameštaj hem igračke. Flaše iribase ljegarena pe ki radnja uz kauciju/pant.



✓ Konzerve, limenke, čuče limenke ando sprej, cevija, kapsule, kapakija hem čuče limenke andi sprejfarba. Bandžar o oštra kapakija ando o konzerve hem limenke.

✗ Konzerve kola isi ljen farba ja ljepako andre, račujinena pe sar opasno otpad. Metalno otpad, vodovodno otpad, tiganje hem avera buča kola nane pakovanja, račujinena pe sar baro hem zoralo otpad hem otpad ando čher. Limenke kola tane iribase ljegarena pe ki radnja hem dobineja kaucija/pant.



✓ Pasta, thud hem pakovanja ando sok, kесе ando ljila, kartonija kundrenge, rolne ando ljila toaletese hem kartonska kutije. Štapčer ljen hem kaplain ljen. Čhiv o potikne pakovanja ano pobare te šparine ko than.

✗ O kovertе račujinena pe sar otpad ando čher ja sar otpad tharibase. Novine, reklamna novine ja diso sar odola buča, čhivena pe ki kutija novinendže.




✓ Diveše ja kurčese novine, časopisija, katalogija, reklamna novine, brošure, džepake knjige hem ljila pisibase ja crtibase. Ikal o plastična kесе hem o ljepenke oljendar.

✗ O kovertе hem o knjige koricensar račujinena pe sar otpad ando čher. Ljiljenje kесе, kartonija ja diso sar odola buča račujinena pe sar pakovanje ando ljila.



✓ Šišija ja tegle ando srče/džami kola farbime ja bifarbime. Ikal o kapsule, kapakija hem sortirin ljen palo oljengo materijali. Sortirin o farbime hem o bifarbime pakovanje ando srče ki pravo kutija.

✗ Šišija iribase ljegarena pe ki radnja. Buča ando porcelan hem andi keramika ja diso sar odola buča kola nane tane pakovanje, račujinena pe sar baro hem zoralo otpad ja sar otpad ando čher. Sijaljice ja sijaljice ando cevija ljegarena pe najobično ki komunaki centrala recikliribase.



✓ Pempasija, kovertе, krpe, snus, četke dandendže, hem bala ando kanglja.

✗ Sa so šaj te reciklirini pe na valjani te fordol pe ko obična kante! Ni o opasno otpad, ni o električno otpad na tromal te forden pe ko obična kante, nego valjani te ljegaren pe ki centrala recikliribase.